



Broj: 05-34-11643-2/16
Zenica, 28.10.2016. godine

Na osnovu člana 20. , 23. i 30. stav 6. i 7. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj: 49/05), člana 4. Pravilnika o izmjenama i dopunama Pravilnika o unutrašnjoj organizaciji Ministarstva za poljoprivredu, šumarstvo i vodoprivredu Zeničko-dobojskog kantona broj: 05-34-4843-1-2/06 od 19.06.2006.godine i člana 3. stav 1. tačka 3) Pravilnika o izmjenama i dopunama Pravilnika o unutrašnjoj organizaciji Ministarstva - Sistematizacije radnih mjesta Kantonalne uprave za šumarstvo broj: 05-34-21613/07 od 08.10.2007.godine, te Odluke Komisije za davanje prethodne saglasnosti za popunjavanje upražnjenih radnih mjesta u kantonalnim organima uprave i ostalim organima/ustanovama koji se u cjelosti ili djelimično finansiraju iz Budžeta Zeničko-dobojskog kantona, broj: 02-34-11643-2/16 od 20.09.2016. godine, ministar Ministarstva za poljoprivredu, šumarstvo i vodoprivredu Zeničko-dobojskog kantona, dana 28.10.2016. godine, o b j a v l j u j e:

JAVNI OGLAS
za popunu upražnjenog radnog mjesta namještenika na određeno vrijeme
u Kantonalnoj upravi za šumarstvo Ministarstva za poljoprivredu, šumarstvo i vodoprivredu
Zeničko-dobojskog kantona

- 1. „Viši referent-čuvar šuma (lugar)“- 7 (sedam) izvršilaca, na određeno vrijeme od 6 (šest) mjeseci, do povratka namještenika na posao sa bolovanja ili do povratka suspendovanih namještenika na posao**

Vrsta djelatnosti: djelimično-složeni poslovi osnovnih djelatnosti

Naziv grupe poslova: stručno-operativni poslovi

Složenost poslova: djelimično složeni stručno-operativni poslovi

Status izvršioca: namještenik

Pozicija radnog mjesta: „Viši referent“

Broj izvršilaca: 7 (sedam)

Opći uvjeti koje kandidati moraju ispunjavati:

- da je državljanin Bosne i Hercegovine,
- da je punoljetan,
- da ima opću zdravstvenu sposobnost za obavljanje poslova radnog mjesta,
- da ima vrstu i stepen školske spreme potrebnu za obavljanje poslova radnog mjesta prema pravilniku o unutrašnjoj organizaciji organa državne službe,
- da posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini,
- da nije obuhvaćen odredbom člana IX 1. Ustava Bosne i Hercegovine.

Pored općih uvjeti propisanih članom 24. Zakona o namještenicima u organima državne službe u Federaciji BiH, svi kandidati treba da ispunjavaju i posebne uvjete i to:

- SSS-III/IV stepen stručne spreme,
- završena srednja šumarska škola,
- najmanje 10 (deset) mjeseci radnog staža,
- položen stručni ispit,
- poznavanje rada na računaru.

Uz prijavu na oglas, kandidati su obavezni dostaviti slijedeću dokumentaciju u originalu ili ovjerenoj kopiji:

- diplomu/svjedočanstvo o srednjoj školskoj/stručnoj spremi odgovarajućeg stepena;
- uvjerenje o ploženom stručnom ispitu;

- uvjerenje o državljanstvu ne starije od 6 (šest) mjeseci od dana izdavanja uvjerenja od strane nadležnog organa;
- izvod iz matične knjige rođenih;
- potvrdu ili uvjerenje ranijeg poslodavca/ranijih poslodavaca o potrebnom radnom stažu;
- uvjerenje/potvrda/certifikat o poznavanju rada na računaru;
- izjava kandidata da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini, potpisana i ovjerena kod nadležnog organa;
- izjavu kandidata kojom kandidat potvrđuje da nije obuhvaćen odredbom članka IX 1. Ustava Bosne i Hercegovine, potpisana i ovjerena kod nadležnog organa;
- popunjen i potpisan prijavni obrazac koji se može dobiti u Ministarstvu za poljoprivredu, šumarstvo i vodoprivredu Zeničko-dobojskog kantona, ul. Kučukovići broj 2, Zenica ili na web stranici Zeničko-dobojski kanton www.zdk.ba (u dijelu Javni pozivi).

Napomena za kandidate:

- Pod radnim stažom podrazumijeva se isključivo radni staž odnosno radno iskustvo u struci nakon stečene srednje školske spreme.
- Namjestenik koji u vrijeme prijema u radni odnos u organ državne službe ima potreban radni staž, a nije položio stručni ispit, može se primiti u radni odnos, ali je obavezan taj ispit položiti najkasnije u roku od šest mjeseci od dana prijema u radni odnos.
- Dokaz o zdravstvenoj sposobnosti i uvjerenje da se protiv kandidata ne vodi krivični postupak (ne starije od tri mjeseca) obavezni su dostaviti prije stupanja na posao oni kandidati koji budu izabrani.
- Kandidati mogu dobiti opis poslova ovog radnog mjesta u Kantonalnoj upravi za šumarstvo, Kočevska čikma 1, Zenica.

Oglas ostaje otvoren 15 (petnaest) dana od dana objavljivanja, računajući od dana posljednje objave ovog Javnog oglasa u 3 (tri) različita dnevna lista koja se distribuiraju na području Federacije Bosne i Hercegovine.

Popunjen i potpisan prijavni obrazac sa dokazima o ispunjavanju uvjeta iz ovog Javnog oglasa u zatvorenoj koverti dostaviti lično na protokol Zeničko-dobojskog kantona ili preporučeno poštom na adresu:

**Ministarstvo za poljoprivredu, šumarstvo i vodoprivredu Zeničko-dobojskog kantona,
ul. Kučukovići br. 2, Zenica,
sa naznakom „Javni oglas za popunu radnog mjesta namještenika, na određeno vrijeme“- NE
OTVARATI.**

Neblagovremene, neuredne i nepotpune prijave neće se uzeti u razmatranje, a o rezultatima Javnog oglasa kandidati će biti pismeno obaviješteni.

MINISTAR

Himzo Smajić

